

Headline	'Keluar jadual lebih awal'		
MediaTitle	Sinar Harian		
Date	05 Mar 2019	Color	Full Color
Section	Sukan	Circulation	160,000
Page No	53	Readership	509,000
Language	Malay	ArticleSize	316 cm <sup>2</sup>
Journalist	N/A	AdValue	RM 5,390
Frequency	Daily	PR Value	RM 16,170



# 'Keluar jadual lebih awal'

**K**etua Jurulatih Universiti Kuala Lumpur (UniKL), Arul Selvaraj meminta Konfederasi Hoki Malaysia (KHM) supaya mengeluarkan jadual pertandingan lebih awal bagi saingan Liga Hoki Malaysia (LHM) musim depan.

Jelasnya, ia perlu dilakukan agar pasukan-pasukan bertanding dapat membuat persedian yang rapi terutamanya sekali dalam mengendali hal membabitkan pemain-pemain import.

"Jadual pertandingan yang awal dapat banyak membantu pasukan-pasukan dalam persiapan mereka. Saya merayu pihak KHM agar membantu pasukan-pasukan dalam pengurusan mereka.

"Apa akan terjadi pada LHM jika ada lebih banyak pasukan yang mengundur diri dan tidak mau bertanding?" soalnya.

Dalam pada itu, beliau turut menyeru agar KHM lebih tegas dalam menangani isu membabitkan pemain import.

"KHM harus ikut langkah EHF (Konfederasi Hoki Eropah) yang tidak mudah melayan pertukaran



ARUL

tarikh penutupan pendaftaran pemain. Jika KHM telah membuat keputusan menetapkan tarikh pendaftaran, maka mereka harus serius dalam keputusan mereka.

"Jangan tunda-tunda pada tarikh lain. Ini tidak setiap kali membantu pasukan-pasukan dalam persediaan mereka," kata Arul lagi.

Musim ini, UniKL mencatat kejayaan manis apabila menyambar gelaran sulung Liga Perdana sejak ditubuhkan pada 2009. Lebih membanggakan, kejayaan itu hadir dengan rekod tanpa kalah dalam semua 12 perlawanan liga dengan 11 kemenangan dan satu seri.

Bagaimanapun, hasrat UniKL meraih kejuaraan berganda musim ini musnah apabila tewas 1-2 kepada Terengganu Hockey Team (THT) dalam aksi final Piala TNB Sabtu lalu.



KHM perlu tegas dalam isu membabitkan pemain import.